

Andivinatar, kay phiravenas e boryakere vasta, savore, kola ule ando khereste kay geli i bori, lenas kana pe angushtes thay denas dova: “Godyaver te ovel, lachhi domakinya, sasti, vesti, barvali.” Mi phuriday chokka vakerelas kerde li lakirir kana.

Ando kurko kerelas pes bash o biyav, lachharenas i borya ando ki horahni, kerelas pes o alai ando diz. I horahni, kay vakerenas la Shazie hanwm, zhivinelas zhi ki bolnitsa. Latar zhi ko mahala kerelas pes ekh baro alai ando sasto diz. Kay zhanas te len i borya katar i horahni, oy veche uli lachhardi. E romnya, uryavde shalvarentsa, naglasime, bashal-nentsa, zhanas te len la. I bori iklyolas anglal lende. Togava tryabuvinelas te den pes pares e horyahnyake. Oy pazarinelas pes horahanes: “Tryabuvinel te den man desh leva, te mangena te len tumare borya”. Ama li e romnya astarenas te pazarinen pes: “E, but pares mangesa, de!” Oy irinelas lenge: “Dikhen savi lachhi bori kergyom!”

Odova vreme e roma kerenas pe boryan horahanes, vakerenas lenge “horahane borya”. Akana na keren e boryan choka. Mozhinelas li e borya togava te oven bi payetentsa? Kerenas pes but figures ando boryakoro surati – cherenya, chhoma. Nay-chesto e feguren kerenas pes ando chekat I vakerenas lake “ay len ildwz”. Aver figura, kay kerelas pes ando chhayakoro chekat thay chhamya sine “kahnyangere phire”. A zhanes li sar kerenas pes dolka figures? Le nas stanioleskere lentes I chhinenas len but sitno. Pala ekhe tahtayes ahminenas hari pani po-but shikeresa (te achhyol sar kasha) thay late prethovenas i stanioli. Chokka makhenas e figures ando chhayakoro surati thay lepinenas payetes upral lende.

Lenas e borya katar i horahni, a e romnya anglal late khelenas kyu-chekos. Achhyovenas ando mashkaripe thay khelenas. But manusha khidenas pes athe thay but loshanenas e romenge – savore manushenge e romane biyava ule bari buti. Kana lenas e borya li o mladozhennikos zhalas e romnyantsa, z ate ovel zhi pe boryate. Ama sineyas chhave kay lazhanas te zhan ko diz.

Ando ponedelnikos ulo dives te kerel pe I blaga rakiya thay e borya pala kurdinenas parne roklyasa. Chhinenas ekhe kahnya ili bashnes, phusavenas len ando vila thay choka kerenas alay ki mahala, khelimasa. Sayka uli i traditsiya. Vakerasas “I chhay si chhay!”, kana i chhay si pe thanes thay makhenas pes ratesa katar kahni.

Ando vtornikos khidenas pes e svatovya thay savore andanya, chhi-nens ekhe bakres soske alo li lengoro mwgdani te loshanen e ternenge. Togava beshenas te horatinen kay ka zhivinen e terne. O dad thay I day